

جریدہ عالمیہ

مشیخت جلیلہ اسلامیکہ جریدہ رسمیہ سیدر

رجب سنہ ۱۳۴۰

عدد ۷۳

شمذیلک آیدہ بر نشر اولتور

برنجی سنہ

اجوبه شرعيه

شريفه فخریه امضالی ۴ تشرین اول ۳۳۷ تاریخچه فتواخانه به بالورود، زید محمد ذکی
افندی بی تخلیه دعوا سنده توکیل ایتد کدنصکره زید مومی الیهی وکالتدن عزل وبالاخره
عین دعواده شاهد کو سترمش اولسه اول کیمسه نك شهادتی مقبوله اولوب اولیه بیغنه دائر
واقع اولان استفتایه جوابدر .

§ مآله نظراً من بور محمد ذکی افندی نك مدعابه حقنده اصول شرعی سینه توفیقاً ادا
ایده چکی شهادت مقبوله اولور اولباده
۱۴ صفر سنه ۳۴۰

* *

نعمان امضالی ۵ صفر سنه ۳۴۰ تاریخچه بالورود، لوانطه وقولونیا وامثالی عطریاتك
استعمالی جائز اولوب اولدیغنه دائر واقع اولان استفتایه جوابدر .

§ مآله نظراً لوانطه وقولونیا وبونلرک امثالی عطریاتده اسپرتو دنیان ماده بولندی
واسپرتوده شراب ویا شرابك غیرى هر نه دن استحصال اولنورسه اولنسون عرق نوعندن
اولدیغی صورتده بو کبی عطریاتك استعمالی وبونلردن هیچ بر صورتبه انتفاع اولنسی
مقارن جواز شرع عالی اولماز وبونلر نجاست غلیظه دن اولمغله جواز صلاته منافی مقدارده
مصلینك كرك وجود ولباسنده كرك نماز قیلدیغی محله بولنورسه بو حاحده قلنان نمازلرك
شرعاً اعاده سی لازمدر .
۹ صفر سنه ۳۴۰

* *

جلال امضالی ۸ تشرین اول سنه ۳۳۷ تاریخچه بالورود، زید بر مالی بشرط العوض
هند صغیره به و تسلیم ایدوب صغیره مزبوره نك اوصی ویا ولیسی صغیره نك مالندن
بر قسمی ویا تمامی عوض اوله رق واهب مزبوره اعطا ایلسه عوضك بطلانیه بناء كرك
واهب و كرك ورثه سی عوض مأخوذی رد ایدوب مال موهوبی استرداده قادر اولوب
اولیه جقارینه دائر واقع اولان استفتایه جوابدر .

§ مآله نظراً مسئله ده واهبك هبه دن حق رجوعی اولدیغی کبی وفاتندن صکره
ورثه نك دخی حق رجوعی وارد
۱۳ صفر سنه ۳۴۰

* *

توفیق امضالی ۸ تشرین اول ۳۳۷ تاریخنده بالورود، حیوانات و نباتاتدن اسمحصال ایدیلان مخلوط یاغلر حیواناتک ذبح اولنق صورتیله می یوقسه اولدیریلرک لاشه سندنمی اولدینی ارباب وقوف واختصاصجه دخی معلوم اولماسه بو کبی یاغلرک اکلی جائز اولوب اولدیغنه دائر واقع اولان استفتایه جوابدر

§ مذکور خلیطه لرده بولان حیوان یاغلرینک نجاستی معلوم اولماقجه اکلری مباح اولور آنجق احتیاطاً اکلندن احتراز ایدلمک اولادر
۲۹ صفر سنه ۳۴۰

* * *

محمد امضالی ۹ تشرین اول سنه ۳۳۷ تاریخنده بالورود، زوج وزوجه مشترک اولدقلری بر باب ملک خانینی شاهدلر حضورنده زیده بیع ایدوب مأموری حضورنده فراع وتقریرایتمدن منبوران دیار آخره کیدوب اوراده وفات ایتمش اولسه لر بیع مذکور مشروع اولوب زید اول خانه یه تصرف ایدوب ایدمه چکنه دائر واقع اولان استفتایه جوابدر

§ مآله نظراً بیع مذکور شرعاً صحیح ومعتبردر
۱۶ صفر سنه ۳۴۰

* * *

عثمان نوری امضالی ۱۷ تشرین اول سنه ۳۳۷ تاریخنده بالورود، زید مفقودک قیمی و عمر و غیر رشیدک وصیسی بشر زید ایله عمر وک املاک و عقاری ایجار و سایر صورته تصرف واجوراتنی اخذ وقبض ایتک استدکده اموال ایتم اداره سی کرک زید مفقودک و کرک غیر رشید عمر وک باحجت شرعیه قیم ووصیلری واریکن منبورانک اموالنه مداخله ووضع ید ایتمه کده قادر اولوب اولمه یه جغنه دائر واقع اولان استفتایه جوابدر

§ مآله نظراً بشر منبور املاک و عقارات مذکورده یی بدل مثلیله آخره ایجار واجوراتنی اخذ وقبضله حفظه شرعاً قادر اولور
۱۶ جمادی الاولی سنه ۳۴۰

* * *

حیدر امضالی ۲۵ تشرین اول ۳۳۷ تاریخنده قنواخانه یه بالورود، زید فائیک زوجة مدخول بهاسی هندی قان والده سی زینب اوغلنک حیات و مماتی تحقیق ایدنجیه قدر اتفاق ایدمه چکنی تعهد ایتدیکی وهند منبورنک لایون ارقرنداشلری وعموجه لری کبی منفق

شرعیلری اولدیغی حالده مزبورده حاکمه بالمراجعه فسخ نکاحه قادره اولوب اوله میه جفته دائر واقع اولان استفتایه جوابدر .

§ مآله نظراً قاضی طرفدن نکاحی فسخ اولغیان وزوجنک حقیقتاً یا حکماً موتی ثابت اولمیان هندک نفسی آخره تزویجی شرعاً جائز دکلدر . ۲۴ صفر ۳۴۰

* *

فاطمه دلفریب امضالی ۲۳ صفر ۳۴۰ تاریخنده بالورود ، هند حال حیات وکمال صحتنده اوزریه لایسه اولدیغم بزقات البسه مدن غیری اسم مال اطلاق اولنور نسنه اولیوب منزل دروننده بالجله اشیا فاطمه دلفریب خانمکدر دیسه مذکور نفی ملک هندک بلغارستانده کی خانه وچقتلکنه دخی شامل وجاری اولوب اولیه جفته دائر واقع اولان استفتایه جوابدر . § مآله نظراً متوفاه مزبورده هندک نفی ملکی مذکور خانه وچقتلکه دخی شامل اولور ۸ ربیع الاول ۳۴۰

* *

محمد ضیاءالدین امضالی ۱۸ تشرین اول ۳۳۷ تاریخنده بالورود ، زید اجارتین ایله متصرف اولدیغی منزلی قزی هند صغیره یه اذن متولی ایله فراغ و تفویض ایتدکنصکره هند بالغه اولدقده زید منزل مذکور هندک مواجهه سنده عمروه فراغ وتسليم ایدوب بالاخره هند منزل مذکور باباسی حال صغرنده کندوسنه تفویض ایتدیکنه عالمه اولمغله استردادینی دعوی عمرو دخی حین فراغده هند سکوت ایتیش اولمغله دعواسی مسموعه اولماز دیدکده هند محل خفا اولمغله تناقض معفودر دیو استرداده قادره اولوب اولیه جفته دائر واقع اولان استفتایه جوابدر .

§ مآله نظراً هند مزبورده نک بلوغندن تاریخ دعوایه قدر مرور ایدن مدت، مرور زمان حدینه واصل اولماش وباباسنک منزل مذکور حال صغرنده کندویه فراغ ایتدیکنه هند مزبورده عمروک هدماً و عماره تصرفنه اطلاع دکنصکره ، مطالعه اولمش ایسه عذرک تحققنه مبنی دعواسی مسموعدر . ۱۱ ربیع الاول ۳۴۰

* *

مصطفیٰ نظمی امضالی ۵ تشرین ثانی ۳۳۷ تاریخندہ بالورود، بر کیمسہ حال حیاتندہ وقف ایلدیککی بردکائی اوچ سنہ مدت ویکرمی لیرا بدل ایله ایجار ایتد کدنسکره ورثہسی بدل ایجارک اون آلتی مثلی تراید ایتسی حسیلہ عقد اجارہ یی فسخ ایدرز دیمک حقلری اولمدیغنه دائر واقع اولان استفتایہ جوابدر .

§ مآلنه نظراً حادثہده متولی ایجاری فسخه اجر مثلنه ابلاغ ایدر .

۸ ربیع الاول ۳۴۰

* *

اقبال امضالی ۵ تشرین ثانی ۳۳۷ تاریخندہ فتواخانہ یه بالورود، جلال الدین نامندہ جنون مطبق ایله مجنون اولان بر کیمسہ حال جنتندندہ اہالی یه خطاباً شاهد اولیکز بنیم هاجر نامندہ فامیلیام یوقدر طقوز طلاق بندن بوش اولسون دیوباغیرسه مزبورہ مطلقہ اولوب اولیہ جغنه دائر واقع اولان استفتایہ جوابدر .

§ مآلنه نظراً مزبور جلال الدین طلاقک حین ایقاعندہ مجنون اولدیغی صورتده طلاق

مزبور واقع اولماز . ۸ ربیع الاول ۳۴۰

* *

نجاتی امضالی ۸ ربیع الاول ۳۴۰ تاریخندہ فتواخانہ یه بالورود، هند عہدہ تصرفندہ بولسان عقارک زیدہ حین فراغندہ حاضرہ اولمادیغی بیان ایدہرک عقد فراغی کلیاً انکار ایتد کدنسکره فوت اولوب وارثی عمر و هند مزبورہ حین فراغندہ موجود ایدی فقط بالا کراه اعطای تقریر ایلش ایدی دیسه دعوای اخیرہ مسموعہ اولوب اولیہ جغنه دائر واقع اولان استفتایہ جوابدر .

§ مآلنه نظراً عمر و مزبورک تصدی ایتدیکی دعوای اخیرہ مسموعہ اولماز .

۵ ربیع الآخر ۳۴۰

